



Provođenje akcije kodnog naziva "REZ"

13.07.2022

Poduzimajući planske mjere i radnje s ciljem rasvjetljavanja i dokumentovanja krivičnih djela organizovanog kriminala na području Kantona Sarajevo, policijski službenici Uprave policije MUP-a Kantona Sarajevo, pod nadzorom Tužilaštva Bosne i Hercegovine, dana 12.07.2022.godine proveli su akciju kodnog naziva "REZ". Na osnovu Naredbe Suda Bosne i Hercegovine, izvršeni su pretresi stanova, ugostiteljskih objekata i motornih vozila koje koriste lica E.K., A.S. i A.A., te su pronađeni i privremeno oduzeti sljedeći predmeti:

- pištolj marke "Glock", sa dva okvira i 24 komada metaka,
- pištolj marke "Valter" sa 13 komada metaka,
- pištolj marke "SIG" sa 9 komada metaka,
- automatska puška HK3, cal. 7,62X51 mm, sa 2 okvira i 20 metaka istog kalibra,
- jedna ručna bomba,
- pancirni prsluk,
- tri veća paketa sa suhom zeljastom materijom koja asocira na opojnu drogu marihuanu,
- veća suma novca,
- četiri ručna sata marke "ROLEX",
- više mobilnih telefona,
- više bankovnih kartica i
- notesi.

Također, uz uredno izdate potvrde privremeno su oduzeta i tri skupocjena putnička motorna vozila marke "BMW".

Zbog postojanja osnova sumnje da su počinili krivično djelo iz člana 250. stav 2. i 3.(Organizovani kriminal) u vezi sa krivičnim djelom iz člana 195. stav 1. i 2. (Neovlašteni promet opojnih droga) KZ BiH, slobode su lišena sljedeća lica: E.K., rođen 1978.godine u Prizrenu, sa boravkom u Istočnoj Ilidži, A.S., rođen 1987.godine u Sarajevu, gdje je i nastanjen, A.A., rođen 1984.godine u Dubrovniku, nastanjen u Sarajevu, S.T., rođen 1971.godine u Kosovskoj Mitrovici, nastanjen u Beogradu, državljanin Srbije, A.P., rođen 1984.godine u Sarajevu, nastanjen u Hadžićima, A.K., rođen 1984.godine u Sarajevu, gdje je i nastanjen, M.S., rođen 1998.godine u Konjicu, nastanjen u Sarajevu i H.B., rođen 2000.godine u Sarajevu, nastanjen u Visokom. Nakon kriminalističke obrade u službenim prostorijama Uprave policije MUP-a Kantona Sarajevo, u dalju nadležnost Tužilaštvu Bosne i Hercegovine predati su: E.K., A.S. i A.A., dok su ostala lica otpuštena, uz saglasnost postupajućeg tužioca, te će protiv istih u redovnom postupku biti poduzete zakonom predviđene mjere i radnje. Policijski službenici, pod nadzorom Tužilaštva BiH, nastavljaju dalje aktivnosti na dokumentovanju kriminalnih aktivnosti navedenih lica.

